

Transkription von Urkunde HBS 1454b

Ort, Datierung: Halberstadt, 1454-01-21

Signatur: Stadtarchiv Halberstadt, B 03c (N/1005)

Inhalt: Rat der Stadt Halberstadt: Bestätigung einer Gutsverpfändung zur Rentenstiftung

WE Borghermeister(e) vnde Radmann(e) , der Stad tho Halberstad . Bekennen vnde Betughen /
openbar jn dusseme br(eue)¹ vnde don kunt allen , de one seh(e)n horen oder lesen , dat der
Bescheydenn(e) / peter bendeler itzund vnse medeborgher(e) . woynhafftich in der Nyen stād . mit
vnsem(e) wet=/ten willen vnde wulborde sin hus vnde hoiff fart he itzund jnne woynd beleggen in der
/ nyenstad jeghen dem(e) hackehrouen twisschen vnde hermen² brawan vnde hinr(ik) arendes vor /
sat vnde vorpendet hefft . vor viff lodighe m(a)rk halb(e)r(stedescher) weringe , den arm(en) luden up /
dem(e) zeckhoue . vor vns(e)r stad beleggen , der viff m(a)rk peter vorgn(an)t gensliken van den /
arm(en) luden vornoighet is Se we des van peter ergn(an)t sint vnderwist dusse viff m(a)rk /
ergn(an)ter were Schal vnde wil peter bendeler oder sine Erue(n) , den armen luden up / dem(e)
zeckhoue alle Jarlikes gheuen tho tinsze Eynehalue m(a)rk ergn(an)ter were ane / uptogh vnde
vmbeku(m)mert uppe de winachten , neghest dem(e) tinsze des rades den de / Rad alle iarlikes dar
an(e) hefft . Ok se schal vnde wel Rem(er)³ peter bendeler ergn(an)t eder / sine Eruen dusse
houedsu(m)men viff m(a)rk halberstedisscher were , wedder affgheuen den / armen luden up dem(e)
zeckhoue . vnde also sin Erue losen bi(n)nen dussen neghest volghende / viff jaren van ghiffit dusses
breues , vnde hefft vns dat also uch tho holdenn(e) gheredet / vnde ghelouet in guden truwen ane alle
gheuehrde dusses tho orkunde mede mehr / wissenheit hebbe we vns(e)r stad Secr(etum) witliken
ghedrucket hethen Jnne(n)wendich benedd(e)n / an dussen breiff Nach (cristi) ghebord vnser leue(n)
heren veyrthey(n)hundert iar dar na Jndem(e) / veyrvndeveffthighesten jare an deme Mandaghe Na
Sunte anthonij daghe des Ersten / heremithen

¹ **br(eue)** über der Zeile durch Auslassungszeichen eingefügt

² **hermen** über der Zeile eingefügt, **vnde** dafür im Original gestrichen

³ **Rem(er)** im Original durchgestrichen